

興京縣志


乙丑七月  
王光烈



地理

第一冊

# 興京縣全圖





前知事沈國冕



揚 顯 蘇 事 知




民 蘇 輯 編 總



桐孤子輯編

前 宮 門



即陵宮之前門週

繚短垣四周長林

莽莽景極幽邃春

秋奉祀其門一啟

門係紅柵木爲之

樓 碑 四



在前宮門內啟運門前


內建石碑四座上刻肇

興景顯四帝頌德碑係

清章皇帝御撰丹碧輝

皇亦盛觀也

啓 運 門



在前宮門之後即寶城

之正門前有碑樓四東

廂駐守護兵丁門凡三

楹御祭時始啟正門尋

常奉祀皆啟偏門祭畢

即行封鎖

啓 運 殿



即寶城正殿位於寶頂

前玉墀丹階高廈迴廊

狀極雄濶中設肇興景

顯四帝神座暨一切祭

器等非祭日不能擅啟

神 樹



一名瑞榆在寶城啟運殿後

相傳清興祖直皇帝葬此樹


間同治初年爲風所擗後用

堅木支撐本實已撥老幹既

枯新枝旁生枝細而長翹垂

殿前滴露涓涓

陵 街 全 景



街跨陵宮西北枕龍崗南

面竈突蘇水激灑橫貫其間

爲縣治四通八達之衢人文

清秀製作精美居其地者多

係盛朝遺冑八旗舊族有副

都統黑牛館等官署舊址

龍 頭



即啟運山之西端臨河而駐

隔蘇水與烟筒山對峙臨河

一面用平方石砌成御路春

秋佳日殘陽映波餘霞成綺

水色山光蔚爲奇觀

陵 街 學 校



位於陵街東端清宣統三年

爲知府廖柄樞建築擬作知

府公署未果因作中學校民

國八年中學遷於縣街遂作

高等小學校規模宏闊學校

建築爲興邑冠門前有老榆

兩株參天黛色蔭滿一庭皆

二三十年物



寺在老城東皋古木蒼鬱與

老城對峙清初勅建有順治

十五年碑記西曰顯佑宮東

曰地藏寺有清純皇帝御書

四額字係範銅爲之曰皇寺

者以其奉勅而建也

老 城



即興京城因山而築在昔佳

木葱蘢遠望如山氣象崢嶸

狀極雄渾清努爾哈赤肇基

於此民國以還王氣頓消伐

木闢田遂成濯濯之象

烟 筒 山



原名竈突山在陵街河南岸

山巔最高處三义朝天形如

筆架東側有巨石一塊形如

筆頭鋒芒向上高十餘丈直

矗嶺巔峭壁崢嶸聳入雲表

朝霞夕曛白雲繚繞狀如炊

烟故俗名烟筒

興京縣街全景



興京縣纂修志書紀畧

興邑志書於清宣統年間太守張鳳臺曾聘明經劉熙春修府志稿成張去職因以擱置嗣後輾轉借閱原稿軼失邑人惜之迨民國十一年十月教育會長蘇民建議修志大令沈公國冕召集邑紳議決修志公推蘇民爲籌備員擬具簡章十一年十一月三十日籌備處成立十二年四月派于孤桐爲調查員步履村屯咨諏野老摩挲碑碣探幽發微登諸筆錄越四閱月而歷遍全境採集雖未精詳然亦勞矣十月一日從事纂述十三年三月三十日脫稿呈送縣署纂修處因即取消五月沈令去職今令蘇公繼起敦聘明經劉熙春鑒定十月劉君他就璧還

興京縣志

紀畧

一

奉天太古山房刷印

縣署十一月蘇民主地方公欸處大令委蘇民校正十四年二月延士人閻學程繕清四月繕成五月大令遣人拍照古蹟風景以求美備迄至今日諸需俱備祇餘刊印一事此起止之畧歷也至經費一項當沈令召集士紳會議時議決由個人暨各團體按月捐助原擬自十一年十一月起至十三年十一月三十日止沈令自認月捐小洋貳拾元縣商會月捐貳拾元陵街商會月捐柒元警察所長月捐伍元教育所長教育會長公欸主任電話局長保甲所長中學校長月各捐叁元十區區長捐助一次每區百元全境教員百人每人月捐伍角嗣以教員清苦撤消原議自十一年十一月起至十三年三月底止此十七

個月中纂修處一切開支即由以上十處月捐暨十區區長之一次捐款項下動用自十三年三月以後十處月捐即行停收總計共捐小洋一千九百一十元除纂修費共支小洋一千四百八十九元外尙餘四百二十三元作爲刊印費此經費之略歷也總觀始末差覺自幸者厥有二事一經費之未動公款足徵吾人酷愛文化樂予捐助一編輯之未用外人足徵邑人雅尙自動然而茲書之未躋完善者或亦在斯誠以經費不充動作不靈編輯腹儉勢必簡陋吾人之差覺自幸者亦正自覺未足者也雖然以千餘金之代價一二人之精力開文獻之鎖鑰放幽室之曙光爲值亦巨矣謹述其顛末於茲

十四年五月

蘇民識

興京縣志纂修 職員題名

總監 修前知事 沈國冕

現知事 蘇顯揚

參閱 吉長鎮守使 丁超

鴨綠江採木公司理事 喬賡雲

倡修 前保甲委員 馬恆昌

前教育所長 吳學毓

前教育會長 蘇振東 民

前中學校長 王福九

警察所長 白受采

興京縣志

職員題名

三

奉天太古山房刷印

電話局長 張耀東

前公欸主任 劉廣仁

前商會長 黃金來

前農會長 趙純緒

鑒定 前教育所長 劉熙春

籌備員 蘇民

調查查員 于孤桐

總編輯 蘇民

編輯員 于孤桐

騰錄員 閻學程

校閱 蘇民

閻學程

序

地方之有志乘所以載民情風俗戶口阨塞之大要使治斯地  
長斯民者知措施因應之宜無削足就履之弊也考之周禮司  
會之職於郊野縣都掌其書契版圖司書之職掌邦國之版誦  
訓之職掌道方志以治觀事小史之職掌邦國之志夫版圖方  
志事一而已而掌之者不一其官古之爲政者之於地方志乘  
之鄭重以將事也如此有清一代多以名儒出宰郡邑治行恆  
駕宿吏而上言其要歸無不斤斤於志乘如洪北江之溼縣志  
淳化志李申耆之鳳臺志孫淵如之三水志董晉卿之懷遠志  
其義例文采皆能彪炳奕世不特爲言文者所樂道即言治者

亦將於此取則焉國冕學行無似少聞鄉先哲之所以爲治者  
心焉慕之應官關外未嘗不先以搜求志乘爲學治基礎乃徵  
之度藏除綜賅全省有乾隆中所纂盛京通志外一縣之志如  
鐵嶺西安新民梨樹等并予前纂之鳳城志不難一二數然試  
取觀外籍則或以南北滿名篇或以一地一邑書暉者舉其種  
類僂指不能窮籀其內蘊牛毛無其密也我有子弟他人誨之  
我有田疇他人伍之我爲主人反漠然不以爲計興言及此能  
不疚心興邑在明爲衛清祖資以發祥乃號曰京後改廳政府  
民國而還斯改縣其地山川清雄人物俊偉爲奉省東邊嚆喉  
凡有得失豈僅一隅而已九年春奉 大府檄自鳳城移治此

邑服政之餘與鄉人士謀縣志之編撰蘇君民劉君熙春馬君恆昌張君耀東白君受采吳君學毓于君孤桐等深韙予言并力任勞勩涉二寒暑至十三年春始蕝事正校刊而予去職茲蘇君書來告成并索志序因書所見還之使後之人知斯編所關綦重而蘇君等之辛勞亦可不沒若夫體例門類則當別書於後勿贅言

中華民國十四年四月 日前知縣事武進沈國冕撰

序

十三年夏奉 省檄出宰興京得覘夫昭代勝蹟故宮陵墓山川鍾靈人文聰美不禁豁然神怡然特管窺一斑其於全境疆域之廣狹形勢之險要以及田賦戶籍民情風俗之何若尙未盡知也比下車後前令沈君移交興京志稿相示並屬校刊以期完成總覽一過雖未盡善然於縣之民情物態政治風俗挈領提綱全縣精粹盡於茲矣其有裨於治理者至重且鉅遂延邑名宿劉君熙春鑒定之越五閱月而稿成復令總編輯蘇民校正繕清更拍照邑之名勝古蹟十餘幀印諸簡端期臻完美并謀集資付刊茲當發刊之日爰書數語所望於邑之人士即

興京縣志

序

六

奉天太古山房刷印

此奮發隨時增修發揮光大蔚爲信史則此志之功庶乎不朽是爲序

中華民國十四年五月

日興京縣知事蘇顯揚

序

嘗思地以人傳惟帝王爲最著如湯之於亳文之於岐漢高之於沛是也我興邑有清尊爲發祥重地自原皇帝來居至太汗遷遼其間歷年久遠山川之秀蔚爲人文一時佐命之勛文經武緯視光武中興之南陽殆尤盛焉迨從龍入關後王侯宅第共爭顯赫於京門留都故家遺俗遂無可考雖興王遺跡載於開國方畧聖武記大清一統志盛京通志各書凡紀事之處皆握綱絜要以數盡之甚爲簡畧遠溯古代地屬女真故國其時文字言語與中國不同且舊籍無存遺事更乏可據此縣志積未成之所由來也光緒丙午夏孫紹卿司馬時任興京同知囑

興京縣志

序

七

奉天太古山房刷印

纂修本邑鄉土志特限於省令所定之編類並苦於文獻無徵僅就疆域風俗物產政治諸大端勉致其詳書成得張小圃提學使之允許宣統辛亥春安陽張鳴岐知興京府事擬立圖志編修所根據舊稿增訂新編未幾民國光復張安陽調長豫省事遂中止又當縣署科制屢更卷宗紛錯之間竟將志稿遺失厥後幾擬重修皆未果行民國第一甲子歲仲春熙春自龍沙歸來沈觀澄夷長以蘇君承天所撰志稿見示旋值襄平蘇鎮卿監督來長斯土下車之始首先提倡此事以全稿相付囑爲參考以備印行熙春悉心研究見編次有條事皆徵實洵符修志之體裁至文藻之經營尤臻完密無可再施修飾之地祇想

志書既成此邦損益沿革之實錄皆可執簡而稽由此制定年限按期增修實事求是庶不致若已往之善政流風漫無可考使一邑之光不得發皇於簡冊之間謹綴鄙言用陳編末  
民國十四年五月上旬本邑劉熙春謹識

序

竊以邑之有志亦猶國之有史也且他日史氏之徵求悉本當時志書之記載所係顧不重歟興京爲女真舊地古無史乘可稽有清肇基於赫圖阿拉城天命初年始制滿洲文字迨定鼎燕都後特尊之曰天眷興京設官留守一切典謨訓誥均掌內廷無從考核得實八旗子弟重騎射不尙搜羅庠序創立甚晚所由二百餘年間未有提倡修志之舉者也光緒丙午歲劉績卿明經所撰鄉土志稿送呈省政府雖備承贊許不經排印即於改縣科制時儘數遺失無存噫一志之成曷如斯之難歟予於民國十年秋二屆省會期滿正值地方風鶴時警起應十鄉

之推舉暫權保甲事務以策治安當萑苻靖候遂與本邑士紳同人共議修志之事明年秋縣志編輯所成立公推我鄉蘇君承天主任撰席方今書已告成函徵序言時在鴨綠江採木公司佐職林衡聞之不覺暢然意滿以爲我興邑志書幾經頓抑於未易成之中而竟成於今日是以於匆忙之下不計工拙援筆直書以期後起人士共知邑志創修之有自也云爾  
民國十四年五月下旬本邑馬恆昌謹序

序

居今而知古鑑往以開來此志乘之書所由尙也蓋政治法度代有沿革民風文物時起變遷苟欲考厥盛衰較其得失非碩博之士隨時羅採彙爲篇章而僅據鄉老侈談婦孺謳歌訛傳日久其不爲耳食者鮮矣故志乘之作其首要者尤必蒐集盡細檢討詳實俾一事一物皆足垂諸異世資爲鏡考非徒炫其文字備爲典故已也興京先曾有志其於往古之經營與清代發祥各事迹雖研求甚悉然於地方人文政俗不免約畧况世潮趨進與日俱速前人之所以爲新者今人已視之爲古後人視之爲古者正今人之所以爲新東省自甲午庚子甲辰三役

後外怵強鄰內驚變亂益以執政者之竭力經營若區村之建設戶籍之整理與夫學校之繁興警甲之改革皆前志所不及載值此百政修明規模大備之際焉可不採摭增訂以貽來茲乎歲癸亥邑令沈公國冕督率地方士紳等重修縣志乙丑夏四月旣成馳書西豐任次索余爲序余頻年徵逐愧未與此盛舉僅書管見於斯他日有志之士倘繼是志遞續增修使我興鉅細之事悉登簡策百世而後如身臨目覩此所深望也夫  
中華民國十四年六月蕭德潤序於西豐縣署

序

自有生民以來人事繁矣然方策多詳國家之典制而忽地方之沿革載籍不備考據難之吾興爲有清始都三百年來興王遺跡猶有存者遠方來遊之士見夫山川之俊秀人文之奇偉猶髣髴其發奮爲雄之勝低徊而不能去顧欲考其政教之原委風會之變遷則史闕有間杞宋無徵夫非是邦人士羞乎民國十一年冬大令沈觀澄公慨於信史不傳無以述往詔來遂召邑人與謀倡修縣志時余方亟亟於籌設電話日不暇給聞之欣然而往進於衆曰志者史之流也古太常職掌故備典儀之資辨得失之故鄩侯得圖籍而有以策謀猷近世亭林書成

興京縣志

序

十一

奉天太古山房刷印

而天下郡國利病備悉是以言政教則史居其功言地方之生聚則志扼其要今茲修志之舉夫豈緩圖衆躩之於是推蘇君承天總其成嗣聘于君猗操襄其事兩君者吾邑好學深思心知其意之士悉心纂輯翌年書成猶以爲未可縣長蘇公復延邑之名宿劉君績卿鑒定卒以成書歷時僅六月探奧索隱斐然成帙堅卓之志有足多者詩云惟桑與梓必恭敬止後之人披斯編有以遡洄於休養生息之區則其愛鄉愛國之念有不油然而興耶今書將刊余樂進化之有徵而羣衆有所觀感也故爲之序

民國十四年六月上浣

邑人張耀東謹識

序

自來之聖聖相承賢賢相接其間之著作孔繁不堪勝數志三皇之事務者則有三墳志五帝之作爲者則有五典志八卦之義蘊者則有八索志九洲之平治者則有九邱推之典謨訓誥四代之志書也秦之誓晉之乘楚之檇杌魯之春秋諸侯之國志也降及秦始皇削去諸侯之籍變爲郡縣於是爲郡守者則有郡志爲縣宰者則有縣志以驗人傑地靈足增版圖之光榮也惟茲興京地近邊鄙周王之馬跡不至謝公之履齒不臨山水之勝人物之美幾於湮沒而不傳至馬君宰斯邑游觀地勢之雄壯欲名傳之爰聘劉君績卿創修縣志一書及今十數年

興京縣志

序

十二

奉天太古山房刷印

矣如無人纂修恐與斷簡殘編漸就廢墜繼起者欲求興京之事蹟之人物之生產徒嘆文獻之不足徵也蘇君承天不忍坐視其荒涼爰筆纂之於是爬羅剔抉刮垢磨光無微不顯無奇不揚使興孝興弟興仁興義十鄉之人物生產無不著龍岡蘇水啓運烟筒長白之山脈水道無不傳是真大筆一揮名垂千古可與三墳五典八索九邱秦之誓晉之乘楚之檇杌魯之春秋同爲後人所觀覽流傳而不朽也余也不才職充警甲微末武差不工文墨搜盡枵腹爰爲是序雖遺笑大方亦聊見一斑焉

興京縣警甲所所長白受采序

序

蓋聞有史以來而歷代之事蹟於焉以著亦修志以來而一縣之文物得藉以覘是史者爲國家之志亦志者乃地方之史也此二者國與縣均不可缺也然修史者則有國士而修志者賴有通儒今我興設治有年興學有年文化雖未美備而儒林亦稱輩出惟於縣志一書缺然未修實屬憾事鄙人曾充縣視學一職所歷縣分而開原而黑山而昌圖均屬名城無不各有縣志每閱此書未嘗不掩卷太息而歎我興無之久有心倡修每恨才短力有不逮又兼冗務羈身不暇計及適於民國十年十月蒙教育廳派充本縣教育所長及十一年冬宰斯邑者武進

興京縣志

序

十二

奉天太古山房刷印

人沈公極力倡修縣志當亦同爲和聲而蘇君承天見義不辭洵可謂已達達人孰意志修未竣而沈公去職繼任者係古襄平蘇公也對於所修縣志又極爲襄贊故志同者事易舉道合者謀易成此乃理有固然因以蘇君苦心孤詣不數月告成眞所謂才長學富游刃有餘若蘇君者實乃我興文人之先河學子之津梁欽佩莫名因爲之序

吳學毓謹識

序

蓋聞志也者誌也即所以誌往事而開來學也然查此字取義始於周禮掌邦國之志後世郡國志鄉土志皆本乎此我興設治有年凡山川之形勢古今之事蹟賢人之德澤物產之豐富若不筆之於書將何以開風化而策將來緬懷往史若春秋若史記若資治通鑑古今之著作其用心亦良苦矣茲有蘇君承天興京名士也因感縣志缺如遂興纂修之舉適前監督沈現職監督蘇對於縣志又極力提倡故蘇君承天得償其願現將志書修成而今而後吾知先進賢者有此書可藉以流芳後來士子亦有此書可以勵志若蘇君者洵可謂繼往開來有裨於

興京縣志

序

十四

奉天太古山房刷印

名教鄙人不才忝列教育會長因念志書有關教育故竭鄙誠勉爲之序

縣教育會會長王寶貴謹識

序

自職方列入周官而文獻以徵地理詳登班史而政教以著故考古者欲究前代之文化言治者將悉當世之政績莫不汲汲於史志之興修爲研究之根據者矧吾興邑祥發清代地重東陲如無縣志以誌之則文獻何以徵政教何以考故縣長沈公觀澄倡之於前蘇公鎮卿繼之於後而蘇君承天以班馬之才成二公之志於戲盛哉九自東髮讀書即就學省垣雖於輿史之學輒有所習而於鄉土志乘反闕然不詳鑽研有志善本難求彼盛京通志滿洲源流考與夫清朝全史滿洲發達史者或出清庭或出日人意近誇耀詞尤牽強誤謬之處實多久爲讀

者所詬病然此外記載興邑之事績者無多覩焉及閱斯書據事記實博採兼收益助吾人研究鄉土之興趣異日人手一編則蘊藏興邑之文物政績咸公於世誠吾興之新紀元也是爲序

教育公所所長王福九

序

自古史才爲難而尤莫難於修志蓋正史不過叙述政事紀傳人物而已而志則於典章制度風俗文物天文地理錢穀兵刑一切人事所應有者無之乎弗具所應包者無之乎弗全然非有碩學通儒閱才孤識之士則不能衆長並舉美善齊收體大而思精也縣志者地方之史也方之國史雖體例稍異其宏深博大有不可同年而語然亦須具體而微規模畧備此周官所以特立外史誦訓以掌其事而章實齋用三致意於人才之難也興京雖遠處東陲爲荒僻寂寞之區然勝清由是龍興屹然爲東邊重鎮余嘗東登長白西弔永陵而問有清開國之勝蹟

故老遺聞已鮮有能道者至若民生利病吏治沿革以及文章學術忠孝節烈之可歌可泣可喜可愕湮沒而無聞者更難知矣使非有志乘爲之紀載其何以能表章前烈啓發後人哉我興昔雖有縣志之編輯者然年久散亂未得付梓無以繼往開來今蘇君以通才卓識之資潛心著作積時二載賡續成書舉以示余余瀏覽一過喟曰是數十年來未有之作也真不愧爲地方之史矣爰不揣固陋而爲之序民國十四年六月本郡徐文波識

序

國無掌故文獻何徵縣無志書參考奚自矧興京爲清代發祥之地陵廟之巍峩山川之靈秀人文物質之奇特民情風俗之優良尤足動人以慨慕流連而不可湮沒此縣志之作所以前令沈公發起於前繼任蘇公校刊於後其中經承天蘇君之編輯績卿劉君之潤色集諸先生心思才力而卒底於成也付刊之日謬承諸公囑以爲序猥以茹才陋甚忝屬末僚方佐理之不暇奚足以語文事惟披覽斯編本末見搜羅宏富考覈翔實其片羽吉光足以促文化上之進步助學識上之觀感資政治上之研幾至深且備真有令閱者不啻入五都市而道三折肱

者竊謂一縣之志不可無而克成一縣之志者其功更不可泯何言之使無左氏春秋幾亡不有董狐信史誰屬故秦籍經關中之火猶見收於蕭何尙書付咸陽之灰且保存於孔壁人與書之關係不綦重哉茹恐後之覽斯志者或厭故而喜新或數典以忘祖甚之視同書麓置之高閣一任歷風霆經蠹蝕而不之惜并作者慘澹經營之苦志且亦隨之埋沒而莫彰也特爲序以誌其末歲次乙丑孟夏撫順張連茹謹序

序

古者記言與事之官有史次以名其書又次史亦名書又次書中有志律曆也禮樂也溝洫食貨也皆所以羽翼乎史者也人事代謝往來古今百世之廢興存亡典章制度時異而物不同欲求其因革消息所賴乎文獻存焉國家有史地方有志信史不徵斯民不信縣志者地方之史也興邑爲有清一代崛起之邦晚近二百年來冠裳雲蔚喬木所瞻而志書大典闕然未修閒常延覽山川慨然久之民國十一年冬謬膺縣教育會長時大令沈公雅尙文化東閣官梅朝夕過從俯仰風雲輒再致意於湖山如此不可無書余亦以當仁不讓起而籌焉太守分以

鶴俸邑人輸其狐腋於是賃屨橐筆昕夕覃研復延友生于猗操君襄其編輯自昨歲八月調查既事至今歲二月編輯垂成七八萬言旣而延邑名宿劉公績卿校焉旦晚且殺青矣予慨夫世故滄桑人事百變而斯文日進來者可追固知後之君子縹緗炳蔚潤色鴻猷當有以遠勝余與于君之所爲若乘大輅而念椎輪君子或能寬其鄙也余亦不敢讓焉爲叙其顛末如此蘇民叙

序

志者史之流也孟堅之書僅備十志而承祚遂以志名其書近世省有通志邑有縣志拓附庸爲大邦所從來舊矣左言右事史雖多端人事天文志則一揆若所以識前言往行以詔來者掇時事故實以垂世變夫與政教禮俗遞嬗消息嗚呼不可緩矣民國十一年冬前教育會長蘇承天君以桑梓志乘向闕成書商於搢紳請之邑令時沈公觀澄宰斯邦慨然捐廉以爲唱而邑人士競相投資月得百金期剋二歲遂以蘇君主其事焉明年春任桐調查邑之風物禮俗山川土候四月而周境以所得還之固其草也是年秋蘇君轉一區區長職治繁劇沈令強

之主纂修復以桐偃助筆硯訖十三年二月稅稿夫以蘇君之分於事桐之貧於學促促四五月間使之成帙知其不可於意而無以謝於人也而沈令於邑人士不以爲不可旣敦劉公績卿校焉且爲梨棗災矣於戲志也者語大則名山之業也語小則記室可能也以桐之譎謬而與其事顧蘇君常悚惶於此杯酒道語輒爲余論其未敢自信抑余何敢信乎今秋爲客荒蒙蘇君遠以書來言今令蘇公下車伊始將刊志書且使桐爲之序夫言之無文行之不遠今我不述來者何稱以余之感知忘拙勉與修志道其實紀其事所以望於邑之君子奮發有爲無忝祖宗毛土之區以光志乘是則區區之意也邑之君子其亦

有教於斯文民國十三年甲子仲冬朔于孤桐叙

興京縣志

序

二十

奉天太古山房刷印

興京縣志目錄

第一卷 地理

建置沿革 疆域 山脈 河流 城池 田畝 水利

市鎮 面積 經緯 晷刻 氣候 道路 村屯 區劃

險要

第二卷 官制

公署

縣公署 附地方公欸處附舊監獄 奉天第十四監獄 副都統公署

總管公署 掌關防公署 協領公署 八旗公署 經歷署

教育署 一名儒學衙門 稅捐局

興京縣志

目錄

一

奉天太古山房刷印

職官

理事通判 撫民同知 知府 知事 經歷 教授 副都

統 城守尉 協領

第三卷 民治

選舉 戶口 附僑民附區村制 警察 保甲 職業

第四卷 教育

書院 宣講所 圖書館 教育會 教育公所 學校

第五卷 兵事

戰蹟 匪警

第六卷 實業

農事 農會 商務 工務 工廠 公司 店舖 輸出入  
額

第七卷 財賦

國家稅 統捐 地方稅 地方稅支出

第八卷 禮俗

民風 婚嫁 喪葬 祭祀 墓祀 官祀 歲事 雜禮

民食 民衣 民居 水火

第九卷 宗教

佛教 道教 耶穌教 天主教 回教 理教

第十卷 人物

興京縣志

目錄

帝王 功勳 循良 鄉宦 鄉型 鄉老 孝子 節烈

文學 仕隱 逸民 流寓 氏族 附同居紀瑞 方外

第十一卷 古蹟

郡城 附驛站 邊隘 附關 宮陵 附古墓 廟宇 風景

第十二卷 交通

郵政 電報 電話 路綫 津梁

第十三卷 物產

農產 蔬類 花果 草木 藥材 礦產 禽獸 鱗介

昆蟲

第十四卷 藝文

詔命 碑銘 傳狀 序記 雜文 詩賦 詞

第十五卷 雜誌

軼聞 變徵 物異 土語

興京縣志

目錄

三

奉天太古山房刷印